

M. 646 n. 22 120.  
NASCENTI  
VIRGINI  
VNIVERSITATIS  
OBSEQUIA

*Tripartito celebrata*

à

POMPEIO COLUMNA ROMANO.  
BALTHASARE AGVSTINO SENENSI.  
IOANNE BAPTISTA RAGGIO GENVENSI.

Sem. Rom. Conuict.



ROMAE,  
Ex Typographia Francisci Corbelletti.  
MDCXXXIII.

*SVPERIORVM PERMISSV.*

UNIVERSITATIS  
VIRGINI  
NASCENTI  
OBSERVATIO

Typographia

3

POMPEIO COLVINA ROMANO.  
BALTHASARE AGUSTINO SENESI.  
IOANNE BAPTISTA IACCO GENESI.  
Sunt Rom. Com. G.



ROMAE  
Ex Typographia Francisci Corbelli  
MDCXXXIII.

Superiorum permissu.



LACTENTIS  
VIRGINIS  
NUTRIX DIVINITAS.

*Oratio habita*  
A POMPEIO COLUMNA ROMANO.



MAGINEM Diuinitatis in nascente Virgine ( Aud. ) simillimis expressam mirifice lineamentis vidit , amauit , complexa est festiuissime ipsa Diuinitas ; nec indecorum sibi duxit , viuum hoc magni Numinis simulacrum omnibus absolutum numeris studiosius educare ; nec alienum à sublimitate diuina , Dei Matris esse nutricem , eaque vbera diuino lacte distendere , à quibus ducturus esset vitam , & alimentum Deus : quod si nutricis mores vnà cum lacte coalescunt in pueris , hæc Virgo , quæ poenè Deus mortalibus visa fuit , quam habuisse nutricem dicenda est , nisi Augustissimam Diuinitatem ? Dehebantur illi diuinæ mammarum , cuius sanguis abiturus erat in Dei sanguinem ; debebantur blandimenta Diuinitatis illi , quæ Dei delictum , & voluptas erat : & quæ postea cum ipso Deo sub humanis induuijs mixtum , & complexum quoddam esse debebat , debuit ab infantia in diuinis complexibus enutrirî . Cerratum est igitur peramanter inter diuinas perfectiones in obeundis sedulæ nutricis partibus infantulæ Virgini ; Ac primum quidem Sapientia diuina suæ dulcedinis vbera lactenti statim admoit , vt quod beatis mentibus in cœlo cibus est , cœli Reginae lac

154  
esset in terris; nec prius illa inciperet esse mortalis, quàm pleno immortalitalis delicijs epulo vesci; fugebat gratissima Deo puella diuinæ sapientiæ nectar, sed non magis haurire Deum ipsa prosperabat, quàm Deus illi sese infundere gestiebat: patebant illi diuinitatis arcana, per quam mortalibus aditus patebat ad Deum; sine velo caliginis, ac famulantium tenebrarum obtentu decor diuinus illi familiariter explicabatur, à qua velamen corporis, tegumenque humanitatis erat diuina claritas acceptura; Non lex, nec moderatio seruabatur in diuina copia sapientiæ in Virginem transfundenda, cum supra legem, modumque mortalitatis, diuinæ cognitione naturæ ad diuina magis accederet, quam humana: Nihil est tam obscurum, tam varium, tam implicitum in humanæ Vniuersitate doctrinæ, quod omnium dominam, ac moderatricem lateret; nihil in Angelorum Philosophia tam arduum, tam sublime, tam inaccessum, quod non Regina pedibus vna cum ipsis Angelis sterneretur; nihil in Regia Diuinitatis tam clausum, tam abditum, tam à creata mente remotum, quod, quantum mortali fas est, ipsius Dei filia, matri, sponsæ, suo veluti iure non laxaretur; & quæ ad diuina solùm tractanda destinabatur, ab initio plenissima cognitione Diuinitatis fuerat imbuenda. O diuinam Infantulam copiosissimo Dei lacte saginatam! O diuini oblectamentum amoris inter vices amabiles vel nutrientis, vel lactentis Dei! cui supra fidem, admirationemque naturæ datum est, & vbera Diuinitatis abundè sugere, & gestare tuamet vbera fruentem Deum. At verò quæ diuina scientia veluti lacte fruebatur, quibus par erat obuolui fascijs, nisi pulchritudinis diuinæ luminibus? Contextas ergo virtutum omnium nitoribus fascias, primæque innocentia insperfas auro Virgini detulit diuina formositas, vt suas ibi diuitias exponeret, vbi Dei delicia cumulabantur. Illis Puellam circumligat, vt assuescerent humana diuinis constringi prius in matre, quàm in filio arctissimè copulari. Ornatur diuinæ magnificentia supellectile, diuinitatis sacrarium in terris, Deique solum Dei opibus decoratur; Diuinæ claritatis radij spiræ fasciarum sunt Virgini, vt hoc diuini cæli breuiarium, eo cerrè mundi cælo esset præstantius, quod illi vix pauca signa stellulis Zonam conficiunt, huic Sol ipse in spiras flectitur fasciarum; ibi Sol vt imperator attollitur, hic susternitur vt amictus; ibi lumen ab vno Solis fonte parcius deriuatur, hic quidquid est, fons luminis & Sol est. Nec certè fascijs im-

pares

luminibus intratus lectulus & Sidera sunt in cælo diuinitatis, virtutis omnipotentis miracula, quibus per noctem mortalitatis creatis mentibus lux immortalis affulget; atque hæc meritò miracula cunarum loco Virginem susceperet, vt quæ omnium erat maximum Dei prodigium, inter cæterorum obsequia conquiesceret. Ab ipsa meri nihili inanitate vocat in rerum lucem quidquid vnquan libuerit diuina potentia; atque ea omnia subdere se iussit huic infanti, & tanquam omnium dominæ famulæ: i subiecta; vt iam tum sanciretur ius illud portentosum, & inauditum, ne quid posset imperare Deus filius auctoritate Personæ, quod matri simul non pateret iure materno. Miraculum censetur in primis, quod est supra vires, ordinemque naturæ; quæ igitur illi miracula non substernantur, quæ quanta quantæ est, supra naturæ ordinem, viresque est, cuius imperia naturæ pro lege sunt, quam creatæ rationis admiratur natura, cui subditus, quippe filius, paret Deus? Sed quid ego de cunis loquor substratisque miraculis, quando iam video in diuinæ Charitatis vlnis Virginem collocatam? In illis enim uerò suauissimè quiescit puella, cuius sola quies solus amor diuinus esse potest; ibi dulcissimos capit somnos, vbi ipsa dormiente vigilat cor eius, Deus, diuinusque illi amor agit excubias. Quod si præ amore languendum erat infantulæ, vbi langueret aptius, quàm in amoris sinu, vt languor ille animi deficientis in Deo, diuinæ charitatis amplexibus fulciretur? quin & vulneratum Dei cor, oculorum amantiſſimo icû, quæ remedia vulneri meliùs admoueret, quàm ipsam vulneris causam, vt quod amoris icû sauciauerat, amoris etiam calore sanaret? Præuertit humana beneficia diuina liberalitas, & prius poenæ remuneratur, quàm accipiat: quiescendum erat in sinu Virginis infanti Deo, & hoc ipsum prius rependere matri voluit, vt Charitatis vlnis ante ipsam gestaret vt nutrix, quàm ab illa gestatetur vt matre. Vetum ne quid amantiſſimæ nutricis desiderari possit à Virgine, omnia prorsus experta est blandimenta ab altrice Diuinitate. Quoties illi tulit oscula mellitissima diuina sanctitas? Quoties Dei candor osculo sibi ipsam delegit candidissimam Virginitatem? si enim olim in terris obuiæ Iustitia & Pax osculatæ sunt, quæ certe fuere oscula sanctitatis diuinæ in purissimam Virginitatem tunc primum ortam in terris? Et,

Si filius post vbera Virginis degustata vino, & vnguentis optimis  
prestantiora, oscula materni oris ardentius erat expetiturus, quo pa-  
cto diuina oscula denegari poterant eidem paruulo, cui Diuinitatis  
vbera concedebantur? Illi preterea suauissimam, neminem modula-  
batur vox ipsa diuina, & Verbum Patris; quia nihil illi sonare pote-  
rat, quod non sonaret Deum; nec quidquam ad quietem placidissi-  
mam eius mentem trahere, nisi allicientis vox amoris. Illi blandie-  
batur diuinus lepor, in qua compendiarum rerum omnium venu-  
statem inspiciebat; ludebat inter diuina blandimenta Virgo celi,  
terreque lepor; & lusus ille cum Deo diuinam iracundiam erga  
mortales in dies magis magisque mitigabat. Mulcebatur Virgo di-  
uinę voluptratis manu, sed non minus etiam diuinus furor in homi-  
nes nutriti dei blanditijs mulcebatur. Quid multa? Matrem suam,  
sueque humanitatis materiam alebat Deus. Quę cum ita sint, nos  
qui sub tutela tantę matris viuimus, intelligamus tandem, quid sit  
patrocinium illius Dominę, cuius educationi summa Diuinitas sese  
impendit, quę verò nostra famulorum obsequia in Virginem esse  
debeant, cum ea fuerint in ipsam studia regnantis Diuinitatis.

D I X I.





ΕΙΝΑ σκίτους ἀρχῆα, βαδὺ πρυτανῶν ἐλίδει.  
 Καλὴ γὰρ ἑυμνίδων, καὶ βασίλεια γένος  
 Φυγυῖ παρθένος βεβλημένα τάρβος ἱπτόχην.  
 Ἐκ δὲ βυθὺ λήθης σφοδρὸς ὕσαισι τρέμει.  
 Στὺξ βαρυτομῆσιν ἐθεὶς βρέας, ἔζον ἐλύμην,  
 Δίσποινάν τ' αἶδω αἰὼν πύλῳα σέβει.  
 Πλῆτον καί τ' αἶκον ἀνέθηκετο σπῆπτρον ἀνάσσει.  
 Παρθενικῇ δὲ κῦρον τρισσὸν ἱκαυφε κέρει.  
 Πρὸς κυρτὸν σε κέρει, σοὶ ἱππύχονα ἑθεὶς ὄμμα,  
 Πρὸς τὰ θεῶν ἱκέτης, εὖν τὰ σά δις μαθήσει.



824 CONCVSSA TARTARA  
NATAM VIRGINEM  
REGINAM ADORANT.

*Epigramma habitum*  
A BALTHASARE AGVSTINO SENENSI.

**V**MBRARVM regnum, cladisque profunda vorago,  
Regia singultus Eumenidumque chaos  
Virgineo trepidant male consternata nitore;  
Et validus Lethes concutit ima tremor.  
Infantis venerare ortus, & germen olympi  
Styx atra, & dominam flammea monstra colant.  
En, licet inuitus, Regina sceptris sacrauit  
Pluton, tergeminus flexit & ora Canis.  
Pupula, te veneror, diuum te lumen adoro:  
Numinis una prius, nunc tua Vincla fero.



# INFANTI VIRGINI 124 COELI TERRAE Q. VECTIGAL.

Carmen habitum

A IOANNE BAPTISTA RAGGIO GENVENSI.



*OMNIA quisnam versat amor? quæ gaudia mundi  
Pertentant? quò Phœbus abit? quò vertitur æther?  
Quò stectunt elementa gradus? quid sæcula cursum  
Approperant, restitueque petunt iam lapsa relabi  
Turbine, satorumque parant pervertere leges?  
Nos quoq; quò rapimur? quis me mibi subtrahit ardor?  
Nascens nos urget amor, nos Dia laceffit  
Paruula. Proh quantus radiat per lumina Phœbus!*

*Quam multus micat ore Deus! Mortalibus ardens  
Fœdere mixta nouo decora immortalia formis.  
Obstupuit natura parens, obtutibus hæret  
Virginis in vultu, nî sit mortalis imago:  
Ambigat esse Deum, numenq; Infantis adoret:  
Proxima Diuinis certe venerabitur ora,  
Et Dominam sibi prona colet. Iam quidquid in orbe est  
Infanti sua dona parat, sua deuouet æther  
Lumina, selectosque sacrant elementa nitores.  
Prima quidem Tellus Nympharum cincta maniplis  
Delicias florum, & Veris decerpit honores:  
Florigeri assistunt Zephyri, calathisq; ministrant;  
Margine quisque suo florum stat concolor ordo.  
Virginis ad cunas properant, mollesq; tapetas  
Floribus intexunt: passim florentia vernant  
Stamina: respirant viuas imitantia motus  
Ora virum, tenero mentita in flore lacertos  
Brachia stectuntur, conficta in corpore sensus  
Vistur, humanos, essant simulacra calares.  
Exprimit innumeras florum pictura figuras:*

Car-

Candidulis clarescit opus; nigrantibus umbras  
 Projicit, & medijs textum coalescit in unum  
 Pars cedit, retroq; fugit: Pars eminet: illi  
 Testhyos extendunt campos: hi nubibus æthram  
 Obvoluunt, hi mille sinus in veste figurant.  
 Quin & viuentes animorum in corpore motus  
 Finguntur. Vomit ira facies per roscida florum  
 Ridet amor, palletq; timor; spes anxia durat.  
 Vidit opus, stupuitq; nouo suffusa pudore  
 Demissos pictura genas. Etruria nexu  
 Doctior implicito læuēs animare lapillos  
 Talia centenos non perfecisset in annos.  
 Isacidum Reges, & Virginis alta propago.  
 Flore colorantur vario, magnamque nepotem  
 Sollicitant vōtis, & fatam numine matrem.  
 Has tellus aggressit opes, diuamque salutat:  
 Florea strata iacens; Te florea Pupula florum  
 Dona decent; ne bella meos, ne despice flores;  
 Et florem dabis ipsa tuum, quem Phæbus & astra  
 Prona colent, quo diuini mens alma Parentis  
 Floruit; & parili vernabis germine Mater.  
 Ergo age lata meos cape florea Pupula flores.  
 Dixerat hæc Tellus; & iam Thetis equore ab alto  
 Approperat, sequitur squammis argentea pubes  
 Coralio bene compta caput, cochleaq; nitenti.  
 Immanem Oceani concham sua dona ferebant  
 Gemmantis matrem sobolis, cui gemmeus albet.  
 Alueus, ingenitoq; sinus fulgore renidet,  
 Tum sic orsa Thetis. Cunas tibi diua Propago  
 Oceani tulit unda ferax. Te gemmeus alueus  
 Gemmea Pupa decet: pro cunis unio gemmas  
 Optat, & atheri roris vis gemmea conchas:  
 Diuini noua gemma maris te te inferre concha;  
 Cunarum ne sperne sinus: sic diues Olympus  
 In te diuinum diffundat Pupula rorem;  
 Sic te Virgineam diuus petat unio concham.  
 Hæc Thesis, & latum dictis admurmurat agmen.  
 Ocyor interea cæli per inane volantum

Legerat

Et totidem picta currebant Iride limbi.  
Ergo ubi flabellum sibi par intexuit Iris,  
Aurq; Zephyriq. potens; sua lumina pennis  
Afflauit, variumq; immiscuit orbibus arcum  
Virgineos subit inde lares, & poplite flexo  
Pratendens munus roseo sic ore profatur  
Aëris imperium pronis tibi seruire auris  
Digna Deo soboles; flabelli textilis orbis  
Aëris, & sceptrum fert, & regale tributum;  
Hoc mulcente ferus rabiosos mitigat ignes  
Sirius, & lenes Zephyros leo turbidus efflat.  
Mitescit glacialis hyems; Boreasq; fauoni  
Induit afflatus, & veris amabilis auras.  
Flabelli, mea Diua, leues ne despice plumas,  
Flabelli tua dextra vices, motusq; ciebit,  
Cum somnos diuina tuis captabis in vulnis  
Progenies, aurasq; manu, Zephyrosq; vocabis.  
Hac Iris, rutilumq; fuga se flexit in arcum.  
Viderat hac Phæbus, nec segnior ille coruscum  
Urget opus. Primum fuluis de crinibus aurum  
Et capitis decus euellit, radijsq; subactos  
Adnectens radios replicatis flexibus aequat,  
Inque puellarem contexit lumina pallam.  
Infantis tum tella subit, primosq; Puella  
Haret ad obtutus, hebetiq; in lumine pallet.  
Iam solem fluxisse times, lucisq; perennem  
Gurgitem ad insolitam iam contabescere lucem.  
His tandem mouet ora modis. Licet aureus ignis  
Et vultus mea flamma tuis fulgoribus impar  
Langueat, æthereæ tamen ipse opulencia lucis  
Ardeo, nec quidquam, nisi nostra è lampade fulget:  
Is quicumq; nitor famulo tibi supplicat igne  
O lux plena Deo; & si quod licet ire per ausum  
Prima tibi decora, & capitis fulgentius aurum  
Et lucis prosternis opes. Cape Diua quod Orbis

Conari

Conari fax alma potest, te purior ardor  
Ambiat, & facili condas sub lumine lumen.  
Diuino sic ipsa feres sua tegmina soli  
Sic lucem coles ille tuam: iubar ibit in unum  
Diuus virgineo latitans in lumine Phœbus.  
Hæc ait; & summis aderat delapsus Olympus  
Culminibus, sequitur fidus comes astrifer Atlas.  
Illi bis senis interstita fascia signis  
Munus erat, qua flammiumis incedit Apollo  
Vestus equis, ratilug; feris discriminat annum.  
Hanc prius in tenuem densarat Dædalus æther  
Fasciolam, & vasso signa illucentia mundo  
Iusserat angustos inter splendescere fines.  
Tum supplex hæc dicta dedit. Si debita cælo es;  
Nec cælum tamen, Alma, beas, me culmina mundi  
Deseruisse iuuat; tecum sublimior axis  
Esse reor, sine te rerum mihi culmen in imo est.  
Ergo te potior nostri pars induat; & te  
Seiunctus licet amplectar; tua colla coronet  
Post modò dius Amor, ludatq; amplexibus insans.  
Sic Polus; & signis intexta volumina pandit:  
At Charites, quibus æterni penetralia Regis  
Imperijq; nitor patet, & diuina supellex  
Congestas populantur opes, atque arte magistra  
Puluinar simul intexunt: ibi cæca figuris  
Exprimitur sati series, & pingitur æuum.  
Lascientis thalamum subeunt, & numine plenum  
Euoluunt opus, & lata sic voce loquuntur,  
Hinc laudes prænosce tuas, & quidquid in æuum  
Molitur diuinus Amor: quam sola iunanti  
Proxima diuinos inter regnabis honores.  
Te Charitum labor, & cæli pretiosior usus  
Ad somnos vocat: en gratas tibi numinis auras  
Puluinar spirat: ceruicem huc Pupula flecte;  
Carpe fouente Deo, cisa carpe tenellula somnos.  
Risit ad hæc Virgo, Charitumq; ad munera prouum  
Admouit caput, & Charitum melos inter, & vlnas  
Composuit placido ridentia lumina somno.

# NASCENTI VIRGINI

FESTIVI RERVM OMNIVM PLAVSVS  
MUSICIS MODVLIS EXPRESSI.

C O E L I N A E N I A.



*I B I Diuinum Pupula nectar  
Vbere pleno fundis Olympus;  
O nata caelo, nota Tonantss  
Diuinitatis fuge papillas,  
Sophiaque sempiterna  
Age lac, age mel, age delicias  
Suge, suge Puellula.  
Tibi nutrix, tibi lac, tibi mamma*

*Deus est.*

*Et Amoris, & leporis tibi copia refluit.  
Imbue Numine pectora lacteo,  
Epulare Virgo Numen, cape Numinis epulum.  
Cape redditura Paruulo  
Lactis munera Numini.  
En adest tibi Virgo  
Fascia diuina contexta nitoribus aula:  
In spiras tibi voluitur  
Numinis pretiosior supellex.  
Indue solem Pupula textilem:  
Numinis indue Virgo volumina.*

*Conda*

Conde tuum Diua lampade, conde iubar.

Immortalis alacritas,

Diuina te formositas,

Te perennis amenitas

Virgo beatis ambiat orbibus.

Te quidquid est decoris, ac venustatis,

Te quidquid orbe ridet, ac decet calum,

Te quidquid est festiuitatis aeterna

In fascia volumen explicatum

Te cupit ut gemmam digno constringere nexu.

Ergo Diuino abraha Phabo

Luminis imperium capesse.

Age nunc Congere Pupula lucem

Congere Diuinum sub pectore Congere Solem.





**Q**UAE noua surgunt lumina terris? anq.  
 Qua mihi Diuina nata est opalenta lucis? anq.  
 Caelo dignius emico, phaeor.  
 Luna purius albico: } phaeor.  
 Phaebo clarius ardeo. }  
 Oblita motus, & rotantis aetheris iant  
 Admirabunda me sydera luce tuentur.  
 Non Lucifer, nec Hesperus iant.  
 Alterna vice lucis, & umbra iant.  
 Noctem, diemue nuntij terris ferent; iant.  
 Exorta iam Diuinitatis Aurora iant.  
 Nunciat aeterni iubar immortale diei.  
 O quanta forma dignitas illam beat? iant.  
 Capillus arcus est iant.  
 Corda Dei ferientis Amoris. iant.  
 Frons est serenitatis alma regia. iant.  
 Lumina sunt leporum iant.  
 Es gratiarum machina, iant.  
 Fulmina sunt Amoris iant.  
 Diuina grato vulnere iant.  
 Pectora sauciantis. iant.  
 Floret genis alacritas, iant.  
 Ridet ore venustas, phaeor.  
 Nitet dentibus unio, phaeor.  
 Ardent pyropi purpura labellula: iant.  
 Quanta Pupula Diua, quanta, quanta est iant.  
 Amor, & lepor, & decor, & nitor est. anq.  
 Tota mel, & ocellulus Tonantis, iant.  
 Tota delicia, & iocusque coeli. iant.  
 Age lepidula iubare placido }  
 Mea, propitia, decora cumula. }  
 Mibi tripudia sola reciprocent, }  
 Mibi columina supera reboent. }

MA-



# MARIS PLAVSVS,

**N**OSTRO nomen ab aquore *glicon*.  
 Diuina sapientia vocis *Terram daret*.  
 Indidit infanti, plausuq; excepit Olympus. *exam*.  
 Aequori puella risit *truch. terram*.  
 Et sub nomine fausto *Phereer*.  
 Maris imperio latior annuit. *anapest*.  
 Tibi seruis Amphitrite,  
 Placidisque plaudis undis } *anacrost*.  
 Famulisque margaritis.  
 Maior at Oceanus tibi subditur *Alexan. truch.*  
 Tanto Pupula nomine. *glic*.  
 Purpureo dominabere ponto *etram; dact*.  
 Quem Diuinus Amor diuino è pectore fundit. *exam*.  
 Almi cruoris te vocat arbitram *alenacrost*.  
 Numinis terras miserantis ardor *supplim*.  
 Diui gurgite sanguinis *glic*.  
 Vita perennis undis spariabere Domina.  
 Ibi criminum cerasas } *anacrost*.  
 Acherontiasque pestes }  
 Te duce, te patrona *aristophan*.  
 Humana virtus fortior obruet. *alenacrost*.  
 Illinc munificentia *glic*.  
 Diuina gremio diuite gemmas *alenacrost*.  
 Opes, & ampla munera *amb. diuina*.  
 Iure tuo capies tanti Regina profundi. *exam*.  
 Ergo plaude beato *phreuer*.  
 Alma Pupula nomini *glicon*.  
 Decet esse te **MARIAM**, quando mare **DEVS** est. *glicon*.

L A V S

D. E. O.

